

BELIEVERS EASTERN CHURCH WORLD HEADQUARTERS

Office of the Metropolitan, St. Thomas Community,

Kuttapuzha P. O., Thiruvalla - 689103 Kerala, India.

Shithi U Nongialam

October/November 2024

Jingkyrkhu bad jingkhubei sha baroh ki Archbishops bad Bishops, ki lyngdoh bad tymmenbasan, Evangelists bad Order of Sisters, bad sha baroh ki parabangeit jong ka Believers Eastern Church worldwide, ha ka kyrteng jong U Kpa, jong u Khun, bad jong u Mynsiem Bakhuid. Amen! +

Ko kiba ieid eh jong nga ha u Khrist,

Kumba ka mariang ka don ia ki aioms, kumta ka balang ruh ka don ki aiom. Ki snem ba kynja mynsiem jong ngi, la buh dak da ki jingduwai shah jingit, ki jingrakhie ia ki sngi ba kyrpang, bad jingpynmlien kum ka jingduwai, shah jingit, bad ai sha ka kam jong u Blei, la shna dur ban pynkhlain bor ne pynshait bor iangi sha ka jinglong u Khrist. Kumba ngi pule ha ka kitab Jenesis 8:22: "Katba dang sah kane ka pyrthei, ka aiom bet bad kaba ot, kaba khriat bad kaba shit, bad ka lyiur bad ka tlang, bad ka sngi bad ka miet, kin ym pep shuh." Kine ki aiom bad ki jingleh kim dei ki jingkit bakhia hynrei ki jingkyrkhu, kiba iarap iangi ban heh ban san khlain bha bad ngam jylliew bha ha ka jingngeit bad jingsakhi.

U bnai November la buh dak naduh ba sdang jong ka liturgical snem ba thynmai, la pyniaid ha ka aiom bakhuid jong ka Annunciation and Advent. Kane ka dei ka por kaba biang ba ngin pynshat jingshai ia ka snem kaba la leit noh bad sdang thymmai ia ka jingkut jingmut ne rai kaba thymmai ha ka jinglong ba kynja mynsiem. Lehse phi la leh lyndet ha ka ban pule ia ka ktien u Blei, phi pep ban ia shim bynta ha ki jingpyniaid ba kynja mynsiem jong ka balang, lane phi hap ha ka jingiaipdeh ba ha ka mynsiem. To ngin pynthymmai biang ia ki jingmut jong ngi ban pyntreikam ia ka Divine Liturgy man la ka por khlem pep, shim bynta ha ka jingkhawai u Trai, bad shim khia ban pynlong jingiaseng duwai ha iing ha sem khlem pep man la ka sngi. Rai bad kut jingmut ban pyntyllun ia lade kham bha ha ki kam mission jong ka balang, pyndonkam hok ia ki sap ki phong ba u Blei u la ai ha phi ban tei ia ka balang jong u bad ia sam ia ka jingieit jong u Blei sha kiwei ruh.

Kmie bad kpa, Nga pynshlur ia phi ban hikai ia ki khun jong phi ban pyrthuh bud ia ka calendar jong ka balang. Ka jinghikai bad jingtip bniah jong ki ia ka jingim ba kynja mynsiem ka dei ban sdang shwa na iing – kane ka dei ka nongrim jong ki; bad ka long ka bynta kaba donkam haduh katta katta ba kin ioh jinghikai kumno ban duwai, shah jingit, ai sha ka kam u Blei, bad im da ka jingngeit naduh ba ki dang rit ka rta. Sha ki samla, Nga pynsawa ia ki ktien jong u St. Paul u Apostol: "To wat ai iano iano ruh ban ibein ia ka jinglong samla jong me; hynrei to men long ka rukom ia kita kiba ngeit, ha ka jingieit, ha ka jingngeit, ha ka jinglong sngur." (1 Timothi 4:12).

Kumba ngin rung sha u snem ba thymmai jong ka balang kaba khuid bad ha u Khrist, to ngin poi sha ka ym kum 'marker of time – kum ka jingbuh por ', hynrei kum ka kabu bad pynthymmai biang ialade. Ka jingrai bad jingkut jingmut jong ngi, kam dei ban long kum ka pyrthei ba kynja doh, hynrei kiba la suh thied ha ka jingaiei bad ka bor jong u Blei, ym tang ha ka bor jong u briew. To ngin ia iaied lang ia une u snem haba baroh ki aiom, rakhie ia ki sngi ba kyrpang da ka jingkmn bad shah jingit da ka jingsngewrit bad kylla kaba mut, heh bad san lang kum kawei ka met ha u Khrist.

EN/04/Oct-Nov/2024

Nga ia snoh lang bad u St. Paul ban duwai khnang ba phin "...lah ban ioh tip bad bat haduh katno ka jingiar, jingjrong, kaba heh kaba khraw, bad ka jingjylliew ka jingieit u Khrist... khnang ban pyndap ia phi sha ka jingdap kyrhai jong u Blei." (Ephesos 3:1719). Ai ba ka bor kaba ym lah shuh ban thew jong u lai ha u wei u Blei kan trei hangi, kan wanrah ia ka burom bad jingpyndonburom ia ka balang bad ha ka pyrthei lyngba ka jingduwai iasait jong ki riewkhuid bad ki Holy Theotokos shapoh bad shabar ka jingim jong ngi, mynta bad shaduh bymjukut. Amen +.

Ha u Khrist, u kpa jong phi,

Moran Mor Samuel Theophilus Metropolitan

---

P.S: Pyntikna ban pule ia kane ka shithi ha baroh ki balang shnong na ka bynta ban pynshlur bad ai mynsiem ia ki parabangeit baroh.